

歷世真仙體道通鑑卷之四十五

卷二

浮雲山聖壽萬年宮道士趙道一編修

呂出

先生呂出字洞賓號純陽子世傳以為東平人一云西京河南府蒲坂縣永樂鎮人即今河東河中府也曾祖延之仕唐終浙東節度使祖渭第進士德宗貞元中官至禮部侍郎晚為潭州刺史有四子曰溫字化光官至衛州刺史曰恭嶺南府判官曰儉為御史曰讓歷太子右庶子或曰終於海州刺史先生乃讓之子也貞元十二年丙子四月十四日生於林檎樹下少聰敏日誦萬言至文宗開成二年丁巳擢舉進士擢第時年四十二歲龍姿鳳目鬢髮疎秀金水之相頂華陽巾衣道遠服貌似張良又似太史公之狀後因遊廬山遇異人得長生訣一云武宗會昌中兩舉進士不第因於長安道中擬遊華山酒肆憩息俄有一人長髯碧眼自西而來亦憇此肆遂與共炊髻者親愛先生因就日負暄不覺睡著夢舉進士登科第歷任顯官奏對稱旨

遂除翰苑入臺閣權侍從俄拜執政居朝三十餘年偶上殿應對差誤被罪謫官南遷江表路值風雪僕馬俱瘁一身無聊方自嘆息忽然夢覺髻者飯猶未熟條然笑曰黃糧猶未熟一夢到華胥先生驚曰公安知我有夢耶髻者曰公適來之夢富貴不足喜貧賤不足憂大抵窮通榮辱壽夭得喪往古來今皆如一夢富貴則為好夢貧賤則為惡夢壽長則為好夢夭折則為惡夢如公適來之夢誠好夢也一失到底轉為惡夢公備知之矣貴即虛名富猶孽火金珠外物子孫他人一息不來四大不顧把甚物為堅固即復題詩壁間先生大悟因拜曰公真異人也敢問貴姓居何邦邦髻者曰吾乃天下都散漢鍾離權也居終南山公若肯悟可從吾去先生於是棄儒業而從游師事之而得道復於僖宗廣明元年遇崔公傳入紫鏡即知修行性命不差毫髮後多遊湘潭岳鄂之間人莫之識嘗題岳陽樓詩云朝遊北嶽暮蒼梧袖裏青蛇膽氣粗三入岳陽人不識朗吟飛過洞庭湖

外多有詩文留世略見真常集又著丹訣演正論述劍集各有玄旨以遠從學後南遊巴陵西還關中冲昇於紫極山一云歷江州登黃鶴樓以五月二十日午刻昇天而去不知何年其自作傳云吾乃京兆人唐末累舉進士不第因遊華山過鍾離子傳授延命之術尋遇苦竹真人傳授日月交并之法再遇鍾離靈寶金丹之妙吾得年五十道始成第一度郭上竈第二度趙仙姑法名何二人性通判吾授之以歸根復命法吾惟是風清月白神仙會遇之時嘗遊兩浙京汴燕郡身長五尺二寸面黃白鼻聳直左眼下有一痣如人間便者筋頭大常著白襴衫繫卓錫變化不可度世言吾實墨飛劍取人頭吾聞哂之實有三劍一斷煩惱二斷貪嗔三斷色慾是吾之劍法也世有傳吾之神不若傳吾之法傳吾之法不若傳吾之行何以見為人若反是雖攜手接武終不成道先生自冲昇之後時降人間化度有緣學仙之士出入隱顯不可測識其先後遊戲人間事述詳載諸書宋徽

宗宣和元年七月二十八日初封告詞云朕嘉與斯民偕之大道凡厥仙隱有載冊書司存來折竈裏空下呂仙翁隱景藏采遠迹遐方遠建福庭適當爰合契茲符契錫以號名神明不亡尚鑒休渥可特封妙通真人及太

元至元六年正月襲贈純陽演正誓化真君

進一曰呂出素利斤名道遺物外神示

道化跡絕塵凡觀其詩云三八岳陽人不

識明吟飛過洞庭湖聞其風者悅之道德

經曰知我者希則我者貴真呂出之謂也

施肩吾

施君名肩吾字希聖號華陽睦之分水人世家巖陵七里瀨少舉進士習禮記有能詩聲趣尚煙霞暮神仙輕舉之學唐憲宗元和十五年登進士第主文太常卿李建賦衣天不和詩早春殘雪一榜如姚康元晦後皆頗以詩文顯君獨不仕張司業籍贈之詩云雖得空名不著身又送東歸詩有折得高名到處開之句故希聖詩自謂元和進士長慶隱淪者蓋登科之明年改元長慶希聖遂遠引不

復來文宗太和中乃自巖陵入西山訪道樓靜真矣初希聖遇旌陽授以五種內丹訣及外丹神方後再遇呂洞賓傳授內煉金液還丹大道於是終隱西山今觀西一里許為芭蕉源浴山梯級而上有書堂舊址石室故在

希聖手植老栢尚有一二存者其所為詩文甚多山中所傳未十之四有得其告勅於巖

陵云觀已刻之石瓊山白玉鑄跋施華陽文集云李真多以太乙刀圭火符之訣傳之鍾

離權鍾離權傳之呂洞賓呂即施之師也施

有上足李文英昔施君授李一十六字世罕

知者一靈妙有法界圓通離種種違允執履

中予偶得之故併以告胡棲真使補其遺云

揚無為題石室詩云玉京高謝黃金榜石室

歸來白鹿車山後暗通天寶洞眼前便是地

仙家時聞清夜雪中犬迴視紅塵井裏蛙五

百年前人未到芭蕉源上鎖煙霞

徐鈞者自稱東海蓬萊鄉人也言談清美皆

引子史捷而能文每自吟曰曾見秦皇架石

徐鈞

橋海神忙迫漲驚潮蓬萊隔海雖難到直上三清却不過腰常掛一葫蘆棹扁舟泛於鄩階上及三湘下經五湖每將魚就沿江市井博酒與人吟話而去垂白好事者言識之數十年矣而顏貌不改或戲留之約名目斤數釣魚須更得魚如其約人皆異之又見人有疾即葫蘆內取藥救之其藥如麻果大不許人服食惟以酒研塗心腹間其疾便愈無不神驗人有問之藥可服食不曰可只是入口便消飯去好道者服其藥一粒十年絕食而常須飲酒哭水助之顏亦紅白齒髮不衰得其藥者甚多壽皆八九十廬山錢朗累服其藥極得長年今江湖漁人時有見者逐之舟去如飛不可近乃水仙也

錢朗

錢隱居名朗字內光洪州南昌人也少居西山讀書精勤有節操五經登科累歷世官清直著稱去有遺愛時論美之唐文宗朝開成初為安南都護副使後為光祿卿歸隱廬山情澹好道師東嶽道士徐鈞得補腦還元服

煉長生之術昭宗世錢塘彭城王錢鏐慕明得道長年乃迎就錢塘師事之時明已一百五十餘歲童顏輕健玄孫數人皆以明經進身仕為宰官已皓首矣明忽一日告別言我處世多年適為上清所召今須去矣俄氣絕數日顏色怡暢如生舉之就棺身輕若空衣然已尸解矣其玄孫謂人曰我之高祖年一百七十餘歲

楊雲外

楊雲外字慕仙徐州人也世官軍中慕仙生而秀穎獨不喜介冑事年幾冠即白其父母丐為道士父母不能奪其志時荒山有廢精廬舍因往居之俄有異人指示一所曰下有瘞錢爾之食可以取給尋復以道授慕仙於是神鑒頓超悟能辟穀劇擾虎狼父母時念之慕仙即還家而人見慕仙固自處精廬也皆大駭焉居久之去遊廬山亦止群虎中往來遊歷洞府甚多唐宣宗大中末始止硤抵萬州石城山尤多虎夙夕燕坐其間山高無水已而泉忽涌出未幾來雲安之雲昇宮懿

宗咸通中語人曰吾鄉有笑是歲十月龐勳亂彭城僖宗乾符後黃巢與曹洪漫淫徧天下破內險速民恃以無恐慕仙醉卧市道上悲吒曰此地多殺奈何其後硤內兵起慕仙所卧之地適肆屠戮血流諸土光啓二年慕仙過邑子表生告之曰吾於白水王氏有宿負未盡償行當償之二月王果作難劉雲昇慕仙觸強刃以死表生取瘞之色如平常後有人見其往來於房陵雲安監使李文表從子亦過於成都表生發瘞視之但存短褐而已雲安雲昇宮有碑杜光庭文存焉

王昌遇

王昌遇梓州人也為州治獄吏嘗晨食猪蹄不盡而藏之已而妻妻匿之至夕將取食焉婢紅蓮以不獲告昌遇意其盜也答掠之不勝痛遂誣服妻徐出豚蹄曰我試君耳君勒獄得無類是乎昌遇大感悟自是多所平反而所為亦寔近道矣俄有老父賣藥於市能除鼠暴終日無售者昌遇憐之每遇老父輒需以歸如是久之老父怪曰君家多鼠乎昌

遇曰吾憐丈人不售故需之非求毒鼠也藥具在老父曰第用之兒未必死爾昌遇歸投藥食中鼠大集食已皆化鴉飛去昌遇大驚往求老父不見也未幾有道人日醉於市卧道上人呼之為落魄仙時白昭嗣節度東川劉闢方阻兵禁夜行者得輒死昌遇為牙校治右廂夜過所部見有卧道上者視之乃落魄仙也匿不發掖歸其家落魄既寤詎曰吾有二縑白金三兩錢二千今失之必汝也昌遇不復辯如數償之落魄仙持以去曰他日見子瀘上踰數年官府追舊吏解綱昌遇當解綱於瀘州至江安道中遇二道士執兵刃挾弓矢昌遇股慄不敢進道士曰乃爾耶慎勿恐吾落魄仙也挽昌遇至其居為其設酒已還其元來所償金帛曰正為今日設也後昌遇得此以償銷網虧折之數遂得交收公文迴歸道士復告昌遇曰爾知陽精魂立陰精魄成兩精相傳而成神明神以形用形以神生神去則形斃矣昌遇曰不知也願受教之道士曰神以道全形以術延爾因授以

赤龍大丹訣曰昔者毒鼠藥乃外丹之本也
大養之三年服之仙矣遂名昌遇為易玄子
呼左右取馬今昌遇乘以歸馬無轡而行若
奔電直凌霄漢間俄爾至高峯若蹶然則轟
立平地矣馬忽言曰吾乃潭中龍也子所聞
丹方尚能省乎復為之開說既已即躍入潭
中化為龍沫去尋有負樵者至昌遇問此何
地曰東川也昌遇因問途而還即詣府丐免
後來差發遂煉丹於北郊之長平山西郊之
鳳凰山丹成輕舉時唐宣宗大中十三年九
月九日也

爾朱洞

爾朱洞字通微不知何許人也少遇異人授
還元抱一之道煉大丹不死之方因自號歸
元子唐懿宗朝至蓬州州有大小蓬山世傳
周穆王時有人於此刻木為羊蹄而仙去通
微曰是與海上三山名同又有跨羊仙述吾
期成道於茲乎乃援脩蔓躡絕壁得石室喜
甚曰足辨吾事矣久之復捨去賣藥於蜀漢
之間其行飄然如乘太虛時時白猪血灌腸

飲酒哦詩人莫之測所舍逆旅主人每夕怪
其室中膈膈有聲問窺之則其身自榻而昇
觸棟而止後伺其醉以粉塗其腹黎明視其
棟著其上皓然或者於枯骸中得物如雀卵
持以問通微通微曰殆服神丹而不能修煉
故純陰剝消無陽與俱獨就丹田成此爾女
子吞之當生異兒果有吞卵者生兒神光燦
日異香滿室唐昭宗大順中王建成成都通
微亦在焉館通微者憂憊曰建約城陷日夷
戮無噍類奈何通微曰勿憂也施席籠捕建
及其三軍入其中有如聚蟻建與軍皆見神

人乘黑雲叱其軍曰敢有一毫傷吾民若等
禍且及建等怖伏曰不敢建入成都果東兵
市不改肆民既全濟矣通微則又往客果州
嘗大醉天封精舍唱丹於其井中曰後當為
良藥至今炎夏病瘴者飲之必差果州朱鳳
山州之南爾朱仙及李淳風養煉之地通微
一日謂所善郡人張洪之曰吾久不朝元今
欲往謝氏仙山趨宸極時冬夜晴澈漏方中
大雪暴集洪之念通微凍踏漏甬盡即出求

之見其衣單衣卧道上舉碧玉簡示洪之曰
吾朝元誤墜此溪上盤石有聲爾視之石必
斷矣視之信然鄰有斃於酒者通微以藥灌
之即蹶然起言已入陰府主者令至還曰真
人有命延壽一紀洪之因是大駭請授以道

通微曰爾股上天魚首倒無益也更一生乃
可爾洪之股有瘕若魚形首素上向至是果
倒矣通微勸丹陽一粒需錢十二萬太守召
需之曰太守金多非一百二十萬錢不可售
太守怒以為獻眾納之竹奩沈於江至涪陵
上流有二人乘舟而漁舉網怪其重出之乃
通微貌如常漁者曰必異人也入定乎叩銅
銜寤之少焉通微開目視二漁者曰子等何
人此去銅梁幾何有三都乎曰我白石二江
人漁水上此去銅梁四百里自是而東即鄰
都縣平都山仙都觀也通微曰吾師謂吾遇
三都白石浮水乃仙去殆此即先是通微至
江濱多投白石待其浮人不解也通微既登
岸從容語二漁者曰子類有道者有所傳乎
二漁曰我昔從海山仙人得三一之旨煉陽

銷陰亦有年矣通微於是索酒與劇飲取丹分餌之至荔枝園下旌節自天降導三人昇雲而去涪州松屏出石山間爾朱先生種松於此歎山之石皆有松文采者祈禱得佳天然成文其後通微再見於世有成都胡二郎仙并道士遇焉據五代史補云爾朱先生功行甚至遇異人與藥一丸云君見浮石而後服之則仙道成矣先生如教每遇一石必投諸水後遊峽上將渡江有吏艤舟相待問其姓曰石氏問地所屬曰涪州先生豁然悟遂服其藥即時輕舉矣

應靖

應靖不知何所人也唐僖宗時為登封令有惠政黃巢犯東都分兵徇屬邑登封吏民惶懼無計長官曰吾邑無郭庫無兵廩無粟可^二以守乎即空一邑之保嵩高山自為殿賊追及長官身得戰以死捍之賊解去登封之人獲全長官既而棄官學道遂仙去隱其姓以名顯故謂之靖長官宋哲宗元祐中劉几常遇嵩高山中天姿踈散浩然也長官嘗以道

授黃蓮石已載蓮石語中蓮池人何格非仕至二千石少慕清高亡何亦見長官於大蓬山飛仙岩自是數至長官喜抵掌談笑飲酒至斗餘然坐在立亡倏忽千里不可測度一日長官過格非呂真人尋浮空而至並坐語格非遂起再拜求指教真人曰子自有師矣格非志不篤已而不能悉如長官言以疾終焉

歷世真仙體道通鑑卷之四十五

歷世真仙體道通鑑卷之四十六

潛三

浮雲山聖壽萬年宮道士趙道二編修

王仙君

王仙君以唐昭宗天復初自上黨雲遊經北邙緱氏入嵩山曠度虛懷澹然無迹雖與同侶相接莫知其所為飄忽無滯希夷自得因放志林谷迷其所之時人亦未為異也歲餘其門人道士與其弟姪自壺關太行南池嵩少歷問所經宮觀物色求之乃於嵩山西北絕崖中見仙君端居嵌竇之內宴坐凝然高聳且百仞壁立懸絕非攀援所到門人等炷香瞻禮涕泣戀慕不忍去舍仙君忽謂門人曰太上以我夙有微功署為少室仙伯仙凡路隔勿復悲戀言訖騰空而去時嵩陽道士焦隱黃孫玄明黃靖言羅應之同奉香花瞻望崖室虔表敬禮而已

李昇

李昇字雲舉自言江夏人生唐德宗朝幼而聰悟及長博通群書能文機捷出口成章為性高古師於少室山道士學煉氣養形之術